

## Ս Ա Ս Ո Ւ Ն Ի Ա Մ Ի Բ Ա Յ Ո Ւ Թ Ի Ի Ն Ը

Կտորների քաղուստ՝ Հայ պատմութիւնէն (\*):

«Թաթարներու միահեծան իշխանութիւնը Հայոց վրայ տեւեց մինչև 1404 դարու կէսերը, երբ Մոնղոլների պետութիւնը կործանուեցաւ, որի կեղրոնն էր Կարակորում կոչուած մեծ քաղաքը Բայկալեան լճի վրայ՝ ու այլեայլ անկախ տէրութիւններ կազմուեցան (1340):

Այդ միջոցին Պաղտատ նստող Մանգոյ խանին կողայորդ Հալուզի յաջորդի իշխանութեան տակ կը գտնուէր Հայաստանը. չնայած ատոր, երկրի զանազան դաւառների մէջ այլեայլ մեծ ու փոքր իշխանութիւններ կազմուեցան, մասամբ Բաղտատի խանին հարկատու, մասամբ անկախ: Արեւմտեան կողմը լռանցին Թիւրքմէնները, հարաւային կողմը գրաւեցին Քիւրդ բէգերը Սասունի գլխաւոր Ամիրայի իշխանութեան տակ մինչև 1էնկիթիմուր:»

Այստեղ պատմութիւնը կը լուէ թէ ի՞նչ ցեղի կը պատկանէր Սասունի ամիրան, ի՞նչ էր կրօնը. միայն իր անհատական իշխանութիւնն էր որ հաստատել կը կամենար, թէ ունէր ցեղական նպատակներ:

«(1387) 1էնկիթիմուրի արչաւանքին Հայաստանի մասերէն, աւելի զիմացողն եղաւ Սասունի տէր Ղարա—Եռւսուֆ Քուրդը. որի իշխանութեան տակ կը գտնուէր երկրի հարաւային մասը, բայց ի վերջոյ նա էլ ընկճուեցաւ ու սկսաւ Հայաստանէն փախիլ: Անտանկի էր ժողովրդի վիճակն, այս տագնապալիր կռիւներու ժամանակ. ով որ Թաթարներու սրէն կ'ազատուէր, ստիպուած էր իր Քուրդ իշխանի կամքը կատարելու համար՝ անդադար մէկ տեղէն միւսը փոխադրուիլ. Մի Մշկցի կին ասպատակողների ձեռքը չիջնալու համար, անոր

(\*) Պալասանեանի Հայ. պատմութիւնը. (կովկասեան տիպ.)